



Austurvegur 65 - 800 Selfoss

Sími 480 8250 – Veffang www.hsl.is – Netfang hsl@hsl.is – Kennitala 480284-0549

**Umhverfis- og auðlindaráðuneyti
Skuggasund 1
150 Reykjavík**

Selfossi, 29. nóvember 2018
1810056HS SG

Efni: Breytingar á lögum nr. 7/1998 um hollustuhætti og mengunarvarnir - mál nr. 229/2018

Heilbrigðiseftirlit Suðurlands tekur undir umsagnir Heilbrigðiseftirlits Reykjavíkur, Samtaka heilbrigðiseftirlitssvæða og Félags heilbrigðis- og umhverfisfulltrúa um drög að frumvarpi til breytinga á lögum nr. 7/1998 um hollustuhætti og mengunarvarnir, meðhöndlun úrgangs (stjórnvaldssektir o.fl.) – mál nr. 229/2018 - sem umhverfis- og auðlindaráðherra áformar að leggja fram á Alþingi og er í samráðsgátt Stjórnarráð Íslands til umsagnar.

Heilbrigðiseftirlit Suðurlands leggur áherslu á að menntunar- og hæfniskröfur til þeirra starfsmanna sem sinna heilbrigðiseftirliti sveitarfélaga megi ekki með nokkru móti rýra eins og frumvarpið býður upp á skv. 11. gr. frumvarpsins (sjá grein 49 (*niðurfelldur kafli*)). Heilbrigðiseftirlit Suðurlands telur að með því að fella niður starfsheiti og kröfur til heilbrigðisfulltrúa og að framkvæmdastjóri þurfi ekki að hafa háskólapróf og staðgóða þekkingu á heilbrigðiseftirliti, sé verið að setja í fullkomna óvissu rekstrargrundvöll þessara embætta Starfsemi heilbrigðiseftirlits byggir á þekkingu og reynslu starfsmanna sem hafa tiltekna menntun sem nýtist í starfi. Embættið telur að ef alvara er með að gera slíkar breytingar á löggildingu þessa starfsheitis, sé nauðsynlegt setja annan ramma utan um kröfur til starfsmanna varðandi menntun og starfsnám áður en viðkomandi sé hæfur til að starfa sem heilbrigðisfulltrúi.

F.h. Heilbrigðiseftirlits Suðurlands,

Sigrún Guðmundsdóttir
framkvæmdastjóri

